

Pūkete ākonga MyNZQA

Ka whakaatu atu te tomokanga MyNZQA i ō whiwhinga, i ō whakawhiwhinga, i ō tohu, me ō whakamanatanga o te kura tuarua.

Mā te tomokanga ākonga MyNZQA, ka āhei koe:

- te kite i ō urunga me ō whiwhinga
- te tukuatu tāpaetanga matihiko hei māka
- te tono mō ngā arotake, mō ngā whakaarotanga anō
- te tono mō tētahi Mauhanga Eke Paetae (Record of Achievement).

Kei te paetukutuku NZQA he mōhiohio mō te waihanga i tētahi pūkete ākonga MyNZQA, kei [Create or activate account](#). Ka mahi hoki i ēnei mea takiuru kia uru atu ki ngā aromatawai ā-waho matihiko.

Ngā whiwhinga ka tukuna atu ki ngā whare wānanga

Ā te Hānuere 2025, ka tukuna e NZQA ngā whiwhinga Kaupae 2, Kaupae 3, ngā tohu urunga whare wānanga anō hoki, ngā mea kua whakaaetia kia tukuna atu ki ngā whare wānanga katoa o Aotearoa, hei ārahi i te tukatuka uru tōmua. Ki te kore rānei koe e pīrangī kia tukuna ō whiwhinga, me whāki atu ki te tō kura.

Te ako ki tāwāhi

Mena e whakamaheretia ana kia ako ki tāwāhi, whakapā wawe atu ki te whareako e meatia ana kia kuhu atu. Me mārara hoki koe ki ngā tikanga paeuru, ki ngā hātepe, ki ngā aukatinga. Ka āhei ngā whare wānanga o Te Pāpakanui te tiki hoki i ō whiwhinga mai i ngā pūnaha NZQA, māna i tohua rawatia e koe kia tuituitia ō whiwhinga.

Te whakaoti aromatawai ā-waho Matihiko

Hei te tau 2024 nei, ka tukuna e NZQA ngā aromatawai ā-waho matihiko i ngā marau NCEA, me te New Zealand Scholarship Media Studies. Tēnā, tirohia te wātaka National secondary examinations mō te rārangi marau ka tukuna ā-matihikotia atu. Ka noho ki te paetukutuku NZQA. Ka whakamōhio atu tō kura ko ēhea ngā aromatawai ā-waho ka tukuna ā-matihikotia, ā, ka whakataka hoki i a koe.

Arā anō i tō takamātau ki ngā aromatawai ā-waho, me whakawaia e koe a koe anō ki te pūhara whakamātautau matihiko. Kei tā mātou paetukutuku he ngohe whakawaia i a koe anō ki te pūhara aromatawai matihiko, ā, he kōrero kia whakataka i tō pūrere: www2.nzqa.govt.nz/ncea/external-assessment/about-digital-external-assessment/

He kōrero anō ki www2.nzqa.govt.nz/ncea/about-ncea/
ā, kōrero rānei ki tō kura.



Te Urunga atu ki NCEA, ki NZ Scholarship hoki

He aratohu 2024 mā ngā ākonga, ngā kaitaurima, mā te whānau hoki

NZQA

Mana Tohu Mātauranga o Aotearoa
New Zealand Qualifications Authority

Tēnā koutou katoa

Ko te National Certificate of Educational Achievement (NCEA) te tohu ā-motu matua mō ngā ākonga kura tuarua o Aotearoa. Kei roto e whakarārangihia ana ngā paerewa aromatawai ā-roto, ā-waho hoki ki te [Directory of Assessment and Skills Standards](#). Ka uru atu ki ngā paerewa ka aromatawaihia ā-wahotia, ko ngā whakamātautau me ngā kōpaki mahi.

Ka whakaaetia te NCEA e ngā kaituku mahi, ā, ka whakamahia hoki e ngā whare wānanga o Aotearoa o tāwāhi anō hoki mō te tukanga whiriwhiringa. Ko te New Zealand Scholarship he tohu, he whakakawhiwhinga ka whakapūmautia ngā ākonga kura tuarua ihumanea. Ko ngā ākonga ka whiwhi i te Karahipi o Aotearoa, he moni takoha ka whakawhiwhia atu. Ko aua ākonga ka whiwhi i ngā tohu Karahipi o Aotearoa huhua, ka whakapūmautia hoki rānei e tā NZQA hui whakanui Top Scholar Award.

Taku whai tūranga kaitono ki NCEA, NZ Scholarship hoki.

Ka tuku ātua ana tō kura i ō urunga ki NZQA i te tōmuritanga o te Wāhanga 1, ka uru noa atu koe hei kaitono mō te NCEA. Ki te āro koe kia uru atu mō te NZ Scholarship, ka āwhina hoki tō kura i a koe kia uru atu.

Ko ngā whiwhinga paerewa katoa ka tutuki i a koe, ka mauhangatia ki tō Mauhanga Eke Paetae o Aotearoa.

Ki te whai anō hoki koe i ētahi atu huarahi anō, arā, hei tauira, ki Te Ao o Te Kura Pounamu, ki hea rānei, me whakamōhio atu ki tō kura.

He kōrero anō ki www2.nzqa.govt.nz/ncea/about-ncea/

Ngā Kaupae me ngā Tiwhikete NCEA

Kaupae NCEA Ngā Herenga

Kaupae 1 Me 60 whiwhinga, ahakoa te kaupae (1, 2, 3), waihoki, 10 whiwhinga Te Reo Matatini, Literacy, ā, 10 whiwhinga Te Pāngarau, Numeracy. Kia kite ko ēhea ngā paetae ka hāngaitia, tirohia: [Literacy and Numeracy :: NZQA](#)

Kaupae 2 E 60 whiwhinga ki te Kaupae 2, ki runga Me tutuki ngā herenga Te Reo Matatini, Literacy, Te Pāngarau, Numeracy ki te Kaupae 1.

Kaupae 3 E 60 whiwhinga ki te Kaupae 3, ki runga Me tutuki ngā herenga Te Reo Mātatini, Literacy, Te Pāngarau, Numeracy ki te Kaupae 1.

Mena he pātai āu mō ngā whakaritenga Te Reo Matatini, Literacy, mō Te Pāngarau, Numeracy, me kōrero ki tō kura.

Ehara i te mea me whai anō koe i ngā herenga Te Reo Matatini, Literacy, me Te Pāngarau, Numeracy. Kua mō ngā kaupae NCEA anō hoki.

Te Wātaka National Secondary Examinations

Kei te paetukutuku NZQA te Wātaka Examination 2024

www2.nzqa.govt.nz/ncea/exam-timetable-and-key-assessment-dates/exam-timetable/. Kōrero ki tō kaiako mena he tukitukitanga i tō wātaka Whakamutunga Tau. Ka mahi me NZQA kia whai whakaritenga.

Special Assessment Conditions

Mena he uauatanga ā-tairongo, ā-tinana, ā-hauora, ā-ako hoki rānei, ka āhei pea koe te whai tautoko kia uru atu i ngā aromatawai i te tau. E kīia nei tēnei āwhinatanga, ko ngā āhuratanga aromatawai motuhake, Special Assessment Conditions. Me tonu māu e tō kura ki NZQA kia kuhu atu ki te āwhinatanga nei, ā, ka whakamārama atu ki a koe. He utukore tēnei ki a koe. Haere ki www2.nzqa.govt.nz/ncea/ncea-for-teachers-and-schools/special-assessment-conditions/ kia whai kōrero anō.

Taku uru atu ki tētahi whare wānanga o Aotearoa?

Ko te tohu Urunga Whare wānanga (UE) te itinga rawa kia kuhu atu ki tētahi whare wānanga o Aotearoa. He paeuru ā-hōtaka anō ā ētahi whare wānanga, ā ētahi whareako paetoru. Me kōrero ki a rātou kia kite i ngā paeuru mō tēnā hōtaka, mō tēnā hōtaka ako, waihoki mō ngā hōtaka paeuru whakawhāiti.

E riro ai te UE, me whai koe i:

Te NCEA Kaupae 3

- 14 ngā whiwhinga Kaupae 3 i ngā marau UE i whakaaetia e toru
- Te Reo Matatini – 10 ngā whiwhinga Kaupae 2 ki runga, kei roto:
 - E 5 ngā whiwhinga paerewa pānui
 - E 5 ngā whiwhinga paerewa tuhituhi
- Te Pāngarau – 10 ngā whiwhinga Kaupae 1 ki runga, kei roto:
 - ko ngā tautokorua Kaupae 1, paerewa kōwae Te Pāngarau (US 32412), paerewa kōwae Numeracy (US 32406) rānei;
 - [achievement standards](#) hoki rānei

Kia whai kōrero anō, kōrero ki ō kaiako, tirohia rānei

www2.nzqa.govt.nz/ncea/understanding-secondary-quals/university-entrance/

Te Utu mō ngā Ākonga Rāwaho

He utukore te urunga ki ngā aromatawai NCEA me te NZ Scholarship mō ngā ākonga rāroto.

E uru atu ai ki ngā aromatawai NCEA, NZ Scholarship hoki, me utu e ngā ākonga utu rāwaho ēnei nei:

- *Urunga NCEA* \$383.30 mō ia kaitono
- *la marau NZ Scholarship* \$102.20 mō ia marau

Ka utu koe i ngā utu ākonga rāwaho ki tō kura. Mā rātou e whakamōhio atu te rā me te rahi kia utua atu. Mā tō kura ngā utu e utu ki NZQA tāria kia 31 o Oketopa 2024.